



## Nazio Badiot

Ades l'era Luigi Farinol, l contèa, che... che ge diji ades? Nazio Badiot, mai sentù dir tu e? Scì, scì Nazio Badiot. Enfati chest pere Nazio l'era n badiot, l vegnìa cà a lurèr chiò da marangon e, e par Die che èl fat? Ja Vich, ju ja Valèngia, l'é jit, i à metù zeche mobilia a l'incant e, i à metù (chest te pes te notèr, che l'é ence vera), i à metù zeche mobilia a l'incant e, e un de chisc bachegn l ge à metù n cassabanch e l capelan no ge à zedù e, capesceste? «Se tu – l disc – te l pes aer, posse ence gé...». Enfati canche l'é stat, «Speta pura – l disc – mostro!». L disc, l capelan, e l'à scomenzà a chest pere moch ja Vich, ora ge jìa na vacia, ora l'èa zeche de malà, ora l'èa zeche de auter te majon, l'era semper zeche. «Ma maladet – l disc – coscita!...» l disc.

Enfati che èl fat? L saea che cassù l'é chest... cosciol e, e l'é jit, chest Nazio Badiot e, e l'é vegnù sù e: «Nazio – l disc – Bèrba Nazio! Ve pree giutame» l disc. «Ah se posse», l disc. Enfati l ge à contà. «Ah po! – l disc – n'outa o l'otra che son pa injignà! – l disc – vegne pa ju – l disc – dapò vardon pa». Scì! E l'à ciapà cà e n'outa fra l'autres l'é ruà ju. L'é ruà jù e, enfati scì: «Benvegnù!» e i ge à dat da cena e: «Ades – l disc. Enfati l ge à dit: «Gé – l disc – min vaghe forin stala. Sentiède – l disc – cridèr o smachèr – l disc – che che volede» l disc. «No stajé – l disc – a vegnir fora!» l disc. «Guai a voetres!».

Ben, ic i é stat cec, canche l'é stat dintorn les unesc, scior caro, colpes e ac, braies e, capesceste? Enfati i à smacà n bon trat e, zacan no i à più sentù nia e, canche l'é stat dadoman che l'é stat che i à sonà l'Aimaria o dintorn les cinch, i é jic fora e vegn chest Nazio Badiot con na cera desche n mort: «Ah ben – l disc – se saee» l disc, «con preves no me metee pa!» l'à dit. Ma l se à metù, e l'à magnà e l s'è ciapà si doi fiorin che l ge à dat, che l ge à prometù, che l'à dit che l vel doi fiorin, e l'é sin jit e i non à mai più sentù nia. E dadoman l'era na domenìa. Chest preve, la jent l'à vedù che l'é jit, l'à dit messa, capesceste? desche l solit, messa pruma, e dò l se à tout n liber sot al brac e l'é sin jit e i no l'à mai più vedù. Ei. Chest contèa Luigi Farinol. Capesceste? Chest. Ma madre!!!

Giòchele Stochier (Giacomo Salvador, n. 1873). Intervista di Luigi Piccoliori, Penia, ca. 1960 (terza parte). Arch. ICL, Fondo Canori-Piccoliori 53\_01.